

## 《佛說<sup>1</sup>長阿含經》卷第十二

後秦弘始年<sup>2</sup>佛陀耶舍共竺佛念譯

### (一八)《佛說長阿含》<sup>3</sup>第二分《自歡喜經》<sup>4</sup>第十四

#### 解題

《佛光阿含藏·長阿含經（一）》，頁 20：「舍利弗因淨信佛、法，而讚歎佛、法。」

- 1、過去、未來、現在沙門、婆羅門智慧、神足、功德力無有與如來等者，況欲出其上。
- 2、世尊說法復有上者：（1）制法（三十七道品法），（2）制諸入（六根律儀），（3）說四種入胎之狀況，（4）說方便入定之道，（5）說得「滅」之種種狀況，（6）所說微妙第一，下至女人亦能受持，乃至於現法中自身作證解脫，（7）言說清淨，（8）說五見定法，（9）說外道三常法，（10）說外道四種觀察，（11）說四教誡，（12）說法使戒清淨，（13）說解脫智法，（14）說自識宿命智法，（15）說天眼智法，（16）說神足證法。

最後，佛印可舍利弗所說。

#### 一、序分

如是我聞：一時，佛在那難陀<sup>5</sup>城波波利菴婆林<sup>6</sup>，與大比丘眾千二百五十人俱。

#### 二、正宗分

（一）舍利弗告世尊：三世沙門等的智、神、功、力，無有與佛等同者，佛讚之

##### 1、舍利弗於閑靜處，自思惟佛的智慧等無等倫

時，長老舍利弗於閑靜處，默自念言：我心決定知過去、未來、現在沙門、婆羅門智慧、神足、功德、力，無有與如來、無所著、等正覺等者。

##### 2、舍利弗至世尊所，告世尊：佛的智慧等無等倫

時，舍利弗從靜室起，往至世尊所，頭面禮足，在一面（76c）坐，白佛言：「向於靜室，默自思念：過去、未來、現在沙門、婆羅門智慧、神足、功德、道力，無有與如來、無所著、等正覺等者。」

<sup>1</sup>〔佛說〕－【宋】【元】。（大正 1，72d，n.16）

<sup>2</sup>後秦弘始年＝姚秦三藏法師【宋】【元】【明】。（大正 1，72d，n.17）

<sup>3</sup>〔佛說長阿含〕－【明】。（大正 1，76d，n.7）

<sup>4</sup>（1）《信佛功德經》卷 1（大正 01，255a11-258a5）；《雜阿含經》卷 18（498 經）（大正 02，130c7-131a24）。

（2）《佛光阿含藏·長阿含經（二）》，頁 458，註 2：「長部(D. 28. Sampasādanīya-Suttanta 自歡喜經)」

（3）～D. 28. Sampasādanīya-suttanta.，〔No. 18〕。（大正 1，76d，n.8）

<sup>5</sup>（1）〔>那難陀〕～Nālandā.。（大正 1，76d，n.9）

（2）《佛光阿含藏·長阿含經（二）》，頁 458，註 3：「那難陀(Nālandā)(巴)，又作那爛陀，位於摩竭陀國菩提道場之東，佛滅後阿逸多王所建，其後歷代增築，精舍規模極大。那爛陀又名施無厭，相傳該寺有一池，池中有一龍王居之，其名即施無厭。」

<sup>6</sup>（1）波波利菴婆林＝波婆利菴婆林【宋】【元】【明】～Pāvārikambavana.。（大正 1，76d，n.10）

（2）《佛光阿含藏·長阿含經（二）》，頁 458，註 4：「波波利菴婆林(Pāvārikambavana)(巴)，園林名，該園林位於那難陀寺。」

### 3、世尊讚舍利弗

佛告舍利弗：「善哉！善哉！汝能於佛前說如是語，一向受持，正師子吼<sup>7</sup>，餘沙門、婆羅門無及汝者。<sup>8</sup>

#### (二) 世尊問舍利弗是否盡知三世諸佛，心中所念；若不知，婆羅門等不信你所言

云何？舍利弗！汝能知過去諸佛心中所念，彼佛有如是戒、如是法、如是智慧、如是解脫、如是解脫堂不？<sup>9</sup>」

對曰：「不知。」

云何？舍利弗！汝能知當來諸佛心中所念，有如是戒、如是法、如是智慧、如是解脫、如是解脫堂不？」

答曰：「不知。」

云何？舍利弗！如我今如來、至真、等正覺心中所念，如是戒、如是法、如是智<sup>10</sup>、如是解脫、如是解脫堂，汝能知不？」

答曰：「不知。」

又告舍利弗：「過去、未來、現在如來、至真、等正覺心中所念<sup>11</sup>，汝不能知。何故決定作是念？因何事生是念？一向堅持而師子吼，餘沙門、婆羅門若聞汝言：『我決定知過去、未來、現在沙門、婆羅門智慧、神足、功德、道力，無有與如來、無所著、等正覺等者。』當不信汝言。」

#### (三) 舍利弗雖不知三世諸佛心中所念，但知佛總相法，故說世間諸沙門等，無有與佛等同者

舍利弗白佛言：「我於過去、未來、現在諸佛心中所念，我不能知，佛總相法<sup>12</sup>我則能知。如來爲我說法，轉高轉妙<sup>13</sup>，說黑、白法<sup>14</sup>，緣、無緣法，照、無照法<sup>15</sup>。如來所

<sup>7</sup> 《佛光阿含藏·長阿含經（二）》，頁 458，註 6：「『正師子吼』，巴利本作 *sīha-nāda nadita*（作獅子吼）。」

<sup>8</sup> (1) 《雜阿含經》卷 18（498 經）（大正 02，130c11-15）：「佛告舍利弗：『善哉！善哉！舍利弗，善哉所說，第一之說，能於眾中作師子吼，自言深信世尊，言過去、當來、今現在，沙門、婆羅門所有智慧，無有與佛菩提等者，況復過上？』」

(2) 《信佛功德經》卷 1（大正 01，255a24-29）：「佛言：『善哉！善哉！舍利弗！汝能善說，甚深廣義。汝當受持，於大眾中作師子吼，廣為宣說。』舍利弗復白佛言：『世尊！我今於佛所起信心，乃為過去、未來、現在無有能者，亦無沙門、婆羅門等，知於佛、通過於佛者，豈能證於無上菩提？』」

<sup>9</sup> (1) 《雜阿含經》卷 18（498 經）（大正 02，130c15-19）：「佛問舍利弗：『汝能審知過去三藐三佛陀所有增上戒？』舍利弗白佛言：『不知。』世尊復問：『舍利弗！知如是法、如是慧、如是明、如是解脫、如是住不？』舍利弗白佛言：『不知。世尊！』」

(2) 《佛光阿含藏·長阿含經（二）》，頁 458，註 7：「『彼佛有如是戒、如是法……如是解脫堂不？』，巴利本(D. vol. 3, p. 99~100)作：彼世尊有如是戒，也有如是法……如是般若……如是住……彼世尊也有如是解脫否？」

<sup>10</sup> 智=智慧【宋】【元】【明】。(大正 1，76d，n.11)

<sup>11</sup> 《佛光阿含藏·長阿含經（二）》，頁 460，註 1：「『心中所念』，巴利本作 *ceto-pariya-nāṇa*（心差別智）。」

<sup>12</sup> (1) 總相法~Dhammanvaya。(大正 1，76d，n.12)

(2) 《佛光阿含藏·長阿含經（二）》，頁 460，註 2：「『總相法』，巴利本作 *dhammanvaya*（法之類句、法之次第），指佛陀所教說的一切法。」

<sup>13</sup> (1) 妙=遠【宋】【元】【明】。(大正 1，76d，n.13)

(2) 《佛光阿含藏·長阿含經（二）》，頁 460，註 3：「轉高轉妙(*uttaruttariṃ paṇīta-paṇītaṃ*)（巴）。」

<sup>14</sup> 《佛光阿含藏·長阿含經（二）》，頁 460，註 4：「『黑、白法』，巴利本作 *kaṇha-sukka-sappaṭibhāga* 其意為：善於對比黑、白之法。」

<sup>15</sup> 《佛光阿含藏·長阿含經（二）》，頁 460，註 5：「巴利本無『緣、無緣法，照、無照法』之詞。」

說，轉高轉妙，我聞法已，知一一法<sup>16</sup>，於法究竟，信如來、至真、等正覺，信如來法善可分別，信如來眾苦滅<sup>17</sup>成就<sup>18</sup>，諸善法中，此爲最上。<sup>19</sup>世尊智慧無餘<sup>20</sup>，神通無餘，諸世間所有沙門、婆羅門無有能與如來等者，況欲出其上？

#### （四）舍利弗又讚：世尊說法復有諸上者

##### 1、制法

世尊說法復有上者，謂制法<sup>21</sup>。制法者，謂四念處、四正勤、四神足、四禪、五根、五力、七覺（77a）意、八賢聖道，是爲無上制，智慧無餘，神通無餘，諸世間所有沙門、婆羅門皆無有與如來等者，況欲出其上者？

##### 2、制諸入

世尊說法又有上者，謂制諸入<sup>22</sup>。諸入者，謂眼色、耳聲、鼻香、舌味、身觸、意法，如過去如來、至真、等正覺亦制此入，所謂眼色，乃至意法；正使未來如來、至真、等正覺亦制此入，所謂眼色，乃至意法；今我如來、至真、等正覺亦制此入，所謂眼色，乃至意法。此法無上，無能過者，智慧無餘，神通無餘，諸世間沙門、婆羅門無能與如來等者，況欲出其上？

##### 3、四種入胎之識

世尊說法又有上者，謂識入胎<sup>23</sup>。入胎者，一謂亂<sup>24</sup>入胎、亂住、亂出，二者不亂<sup>25</sup>入、亂住、亂出，三者不亂入、不亂住而亂出，四者不亂入、不亂住、不亂出。彼不亂入、不亂住、不亂出者，入胎之上。<sup>26</sup>此法無上，智慧無餘，神通無餘，諸世間沙門、婆羅門無能與如來等者，況欲出其上？

##### 4、方便入定之道

<sup>16</sup> 《佛光阿含藏·長阿含經（二）》，頁 460，註 6：「一一法：又作別相法，與上文之『總相法』相對稱。」

<sup>17</sup> 眾苦滅＝苦滅眾善【元】【明】。（大正 1，76d，n.14）

<sup>18</sup> 《佛光阿含藏·長阿含經（二）》，頁 460，註 7：「『信如來、至真……苦滅成就』，巴利本作 *Satthari pasīdiṃ*，——“*Sammā-Sambuddho Bhagavā, svākkhāto Bhagavatā Dhammo, supatipanno saṃgho ti.*”其意爲：我對於師〔父〕淨信了——世尊是正等覺，法是由世尊善說的，僧伽是善於行道的（此段有歸信三寶之意）。」

<sup>19</sup> （1）《雜阿含經》卷 18（498 經）（大正 02，130c29-131a6）：「舍利弗白佛言：『世尊！我不能知過去、當來、今現在諸佛世尊心之分齊，然我能知諸佛世尊法之分齊。我聞世尊說法，轉轉深、轉轉勝、轉轉上、轉轉妙，我聞世尊說法，知一法即斷一法，知一法即證一法，知一法即修習一法，究竟於法，於大師所得淨信，心得淨。』」

（2）《信佛功德經》卷 1（大正 01，255b13-17）：「世尊！我佛宣說廣大甚深最勝妙法，乃至善不善業，及諸緣生法，我皆如實一一了知；了一法已，復修一法；修一法已，復滅一法；滅一法已，復證一法。是故，我今於佛起信，是真正等正覺。」

<sup>20</sup> 《佛光阿含藏·長阿含經（二）》，頁 460，註 8：「『智慧無餘』，巴利本作 *asesaṃ abhiñānāti*（自證知無餘）。」

<sup>21</sup> 《佛光阿含藏·長阿含經（二）》，頁 460，註 9：「『制法』，巴利本作 *kusalā dhammā*（諸善法）。」

<sup>22</sup> （1）制諸入～*Āyatana-paṇṇatti*。（大正 1，77d，n.1）

（2）《佛光阿含藏·長阿含經（二）》，頁 460，註 10：「『制諸入』，巴利本作 *āyatana-paṇṇatti*（施設入處）。施設，即制定。」

<sup>23</sup> 入胎～*Gabbhāvakkanti*。（大正 1，77d，n.2）

<sup>24</sup> 《佛光阿含藏·長阿含經（二）》，頁 461，註 11：「『亂』，巴利本作 *asampajāna*（無知）。」

<sup>25</sup> 《佛光阿含藏·長阿含經（二）》，頁 462，註 1：「『不亂』，巴利本作 *sampajāna*（正知）。」

<sup>26</sup> 《信佛功德經》卷 1（大正 01，257b22-27）：「復次，我佛世尊有最勝法，謂佛世尊善能了知四種胎藏：一者、不知入胎，亦復不知住、出。二者、有知入胎，不知住、出。三者、有知入、住，不知出胎。四者、有入、住、出皆悉了知。如是四種，知有差別，唯佛世尊，一一了知，是即名為佛最勝法。」

如來說法復有上者，所謂道<sup>27</sup>也。所謂道者，諸沙門、婆羅門以種種方便，入定慧<sup>28</sup>意三昧<sup>29</sup>，隨三昧心修<sup>[1]</sup>念覺意，依欲、依離、依滅盡、依出要；<sup>[2]</sup>法、<sup>[3]</sup>精進、<sup>[4]</sup>喜、<sup>[5]</sup>猗、<sup>[6]</sup>定、<sup>[7]</sup>捨覺意，<sup>30</sup>依欲、依離、依滅盡、依出要。此法最上，智慧無餘，神通無餘，諸世間沙門、婆羅門無能與如來等者，況欲出其上？

#### 5、滅：四通行

如來說法復有上者，所謂為滅<sup>31</sup>。滅者，謂<sup>[1]</sup>苦滅遲得，<sup>32</sup>二俱卑陋；<sup>[2]</sup>苦滅速得，<sup>33</sup>唯苦卑陋；<sup>[3]</sup>樂滅遲得，<sup>34</sup>唯遲卑陋；<sup>[4]</sup>樂滅速得，<sup>35</sup>然不廣普，以不廣普，故名卑陋。如今如來樂滅速得，而復廣普，乃至天人見神變化。」

#### 6、佛所說法微妙第一，能於現法中自身作證

舍利弗白佛言：「世尊所說微妙第一，下至女人，亦能受持，盡有漏成無（77b）漏，心解脫、慧解脫，於現法中自身作證：生死已盡，梵行已立，所作已辦，不受後有，是為如來說無上滅。此法無上，智慧無餘，神通無餘，諸世間沙門、婆羅門無能與如來等者，況欲出其上？」

#### 7、清淨

如來說法復有上者，謂言清淨<sup>36</sup>。言清淨者，世尊於諸沙門、婆羅門，不說無益虛妄之言，言不求勝，亦不朋黨，所言柔和，不失時節，言不虛發，是為言清淨。此法無上，智慧無餘，神通無餘，諸世間沙門、婆羅門無有與如來等者，況欲出其上？」

#### 8、五見定

如來說法復有上者，謂見定<sup>37</sup>。彼見定者，謂<sup>38</sup>有沙門、婆羅門種種方便，入定意三昧，隨三昧心，觀頭至足，觀足至頭，皮膚內外，但有不淨髮、毛<sup>39</sup>、爪甲，肝、肺<sup>40</sup>。

<sup>27</sup> 《佛光阿含藏·長阿含經（二）》，頁 462，註 2：「『道』：指七覺支。」

<sup>28</sup> [慧]—【宋】【元】【明】。（大正 1，77d，n.3）

<sup>29</sup> 《佛光阿含藏·長阿含經（二）》，頁 462，註 3：「三昧：又作正定、等持，為住於心一境性而不動之狀態。」

<sup>30</sup> 《佛光阿含藏·長阿含經（二）》，頁 462，註 4：「『精進、喜、猗、定、捨覺意』加上前文之『念覺意』，共有六覺意，然少一『擇法覺意』，巴利本則七覺支之名目齊全。」

<sup>31</sup> 《佛光阿含藏·長阿含經（二）》，頁 462，註 5：「『滅』，巴利本作 paṭipadā（行道），修道之過程含有苦及樂，其證道有遲及速之分別。」

<sup>32</sup> 《佛光阿含藏·長阿含經（二）》，頁 462，註 6：「『苦滅遲得』，巴利本作 dukkhā paṭipadā dandhābhiññā（苦行道，遲通達）。」

<sup>33</sup> 《佛光阿含藏·長阿含經（二）》，頁 462，註 7：「『苦滅速得』，巴利本作 dukkhā paṭipadā khippābhiññā（苦行道，速通達）。」

<sup>34</sup> 《佛光阿含藏·長阿含經（二）》，頁 462，註 8：「『樂滅遲得』，巴利本作 sukhā paṭipadā dandhābhiññā（樂行道，遲通達）。」

<sup>35</sup> 《佛光阿含藏·長阿含經（二）》，頁 462，註 9：「『樂滅速得』，巴利本作 sukhā paṭipadā khippābhiññā（樂行道，速通達）。」

<sup>36</sup> （1）言清淨～Bhassa-samācāra。（大正 1，77d，n.4）

（2）《佛光阿含藏·長阿含經（二）》，頁 462，註 10：「『言清淨』，巴利本作 bhassa-samācāra（言說正行），指正語。」

<sup>37</sup> 《佛光阿含藏·長阿含經（二）》，頁 462，註 11：「見定(dassana-samāpatti)(巴)。漢譯本作五種見定，巴利本作四種見定。」

<sup>38</sup> 謂=諸【宋】【元】【明】。（大正 1，77d，n.5）

<sup>39</sup> 毛+（及）【宋】【元】【明】。（大正 1，77d，n.6）

<sup>40</sup> 肝肺=肺肝【宋】【元】【明】。（大正 1，77d，n.7）

腸、胃、脾、腎五臟<sup>41</sup>，汗、肪、髓、腦、屎、尿、涕、澡淚，臭不淨，無一可貪<sup>42</sup>，是初見定。

諸沙門、婆羅門種種方便，入定意三昧，隨三昧心，除去皮肉外諸不淨，唯觀白骨及與牙齒，是爲二見定。

諸沙門、婆羅門種種方便，入定意三昧，隨三昧心，除去皮肉外諸不淨及白骨，唯觀心識在何處住？爲在今世？爲在後世？今世不斷，後世不斷；今世不解脫，後世不解脫，是爲三見定。

諸沙門、婆羅門種種方便，入定意三昧，隨三昧心，除去皮肉外諸不淨及除白骨，復重觀識；識在後世，不在今世；今世斷，後世不斷；今世解脫，後世不解脫，是爲四見定。

諸有沙門、婆羅門種種方便，入定意三昧，隨三昧心，除去皮肉外諸不淨及除白骨，復重觀識；不在今世，不在後世；二俱斷，二俱解脫，是（77c）爲五見定。

此法無上，智慧無餘，神通無餘，諸世間沙門、婆羅門無與如來等者，況欲出其上？

### 9、三常法

如來說法復有上者，謂說常法<sup>43</sup>。常法者，諸沙門、婆羅門種種方便，入定意三昧，隨三昧心，憶識世間<sup>44</sup>二十成劫敗劫<sup>45</sup>，彼作是言：『世間常存，此爲真實，餘者虛妄。』所以者何？由我憶識，故知有此成劫敗劫<sup>46</sup>，其餘過去我所不知，未來成敗我亦不知。』此人朝暮以無智說言：『世間常存，唯此爲實，餘者爲虛。』是爲初常法。<sup>47</sup>

諸沙門、婆羅門種種方便，入定意三昧，隨三昧心，憶識四十成劫敗劫，彼作是言：『此世間常，此爲真實，餘者虛妄。所以者何？以我憶識故知成劫敗劫，我復能過是，知<sup>48</sup>過去成劫敗劫，我不知未來劫之成敗。』此說知始，不說知終，此人朝暮以無智說言：『世間常存，唯此真實，餘者虛妄。』此是二常法。<sup>49</sup>

諸沙門、婆羅門種種方便，入定意三昧，隨三昧心，憶識八十成劫敗劫，彼言：『此

<sup>41</sup> 臟=藏【宋】【元】【明】。(大正 1, 77d, n.8)

<sup>42</sup> 一可貪=可貪者【宋】【元】【明】。(大正 1, 77d, n.9)

<sup>43</sup> (1) 常法~Sassata-vāda。(大正 1, 77d, n.10)

(2) 《佛光阿含藏·長阿含經(二)》，頁 464，註 7：『『常法』，巴利本作 sassata-vāda(常住論)，以世界為常存之主張。』

<sup>44</sup> [世間]—【宋】【元】【明】。(大正 1, 77d, n.11)

<sup>45</sup> 《佛光阿含藏·長阿含經(二)》，頁 464，註 9：「劫(kappa)(巴)、(kalpa)(梵)，又作分別、時節。通常所用的年、月、日、時等時間單位無法用來表示巨大長遠的時間，故以「劫」代表之。共分為成、住、壞、空四劫，每一劫各有二十增減，其一增一減稱為一小劫。以住劫為例，人壽八萬四千歲，每百年減一歲，減至人壽十歲時轉為每百年增一歲，又增至八萬四千歲，如此則四劫共有八十增減。增劫又稱「成劫」(samvatta)(巴)，減劫又稱「敗劫」(vivatta)(巴)。」

<sup>46</sup> [敗劫]—【宋】【元】【明】。(大正 1, 77d, n.12)

<sup>47</sup> 《信佛功德經》卷 1(大正 01, 257a15-21)：「復次，我佛世尊有最勝法，謂佛世尊善能了知諸不究竟法。若有沙門、婆羅門，在於山中，住等引心，以自通力，知二十增減劫事。彼作是念：『我於過去世中，所有增減劫事，我悉能知。』世尊！彼沙門、婆羅門，而於未來及今現在增減等事，而不能知。唯佛世尊具知三世增減等事，是名了知第一不究竟法。」

<sup>48</sup> 過是知=知是【宋】【元】【明】。(大正 1, 77d, n.13)

<sup>49</sup> 《信佛功德經》卷 1(大正 01, 257a22-27)：「復次，世尊！若有沙門、婆羅門等，止於深山，住等引心，以自通力，知四十增減劫事。彼作是念：『未來世中，所有增減，我已悉知。』世尊！彼沙門、婆羅門，而不知彼過去、現在增減劫事，唯佛世尊，具知三世，是名了知第二不究竟法。」

世間常，餘者虛妄。所以者何？以我憶識故知有成劫敗劫，復過是知過去成劫敗劫，未來劫之成敗我亦悉知，此人朝暮以無智說言：『世間常存，唯此爲實，餘者虛妄。』是爲三常存法。<sup>50</sup>

此法無上，智慧無餘，神通無餘，諸世間沙門、婆羅門無有能與如來等者，況欲出其上？

#### 10、四觀察法

如來說法復有上者，謂觀察<sup>51</sup>。觀察者，謂有沙門、婆羅門以想<sup>52</sup>觀察，他心爾趣，此心爾趣。彼心作是想時，或虛或實，是爲一觀察。

諸沙門、婆羅門不以想觀察，或聞諸天及非人語，而語彼言：『汝心如（78a）是，汝心如是。』此亦或實或虛，是二觀察。

或有沙門、婆羅門不以想觀察，亦不聞諸天及非人語，自觀己身，又聽他言，語彼人言：『汝心如是，汝心如是。』此亦有實有虛，是爲三觀察。

或有沙門、婆羅門不以想觀察，亦不<sup>53</sup>聞諸天及非人語，又不自觀、觀他，除覺、觀<sup>54</sup>已，得定意三昧，觀察他心，而語彼言：『汝心如是，汝心如是。』如是觀察則爲真實，是爲四觀察。

此法無上，智慧無餘，神通無餘，諸世間沙門、婆羅門無有與如來等者，況欲出其上？

#### 11、四教誡

如來說法復有上者，所謂教誡<sup>55</sup>。教誡\*者，或時有人不違教誡\*，盡有漏成無漏，心解脫、智慧解脫，於現法中自身作證：生死已盡，梵行已立，所作已辦，不復受有，是爲初教誡\*。

或時有人不違教誡\*，盡五下結，於彼滅度，不還此世，是爲二教誡\*。

或時有人不違教誡\*，三結<sup>56</sup>盡，薄淫、怒、癡，得斯陀含，還至此世而取滅度，是爲三教誡\*。

或時有人不違教誡\*，三結盡，得須陀洹，極七往返<sup>57</sup>，必成道果，不墮惡趣，是爲四教誡\*。

此法無上，智慧無餘，神通無餘，諸世間沙門、婆羅門無有與如來等者，況欲出其上？

<sup>50</sup> 《信佛功德經》卷 1(大正 01, 257a28-b6):「復次，世尊！若有沙門、婆羅門等，在於深山，住等引心，以自通力，知八十增減劫事。彼作是念：『所有過去、未來增減等事，我悉能知。』世尊！彼沙門、婆羅門，唯今現世所有邊際，而不能知，唯佛世尊一一了知三世邊際，是即名為了知第三不究竟法。」

<sup>51</sup> (1) 觀察～Ādesana-vidhā。(大正 1, 77d, n.14)

(2) 《佛光阿含藏·長阿含經(二)》，頁 466，註 1：「『觀察』，巴利本作 ādesanā(記心)，能察知他心之法。其方法有四，謂四觀察。」

<sup>52</sup> 《佛光阿含藏·長阿含經(二)》，頁 466，註 2：「『想』，巴利本作 nimitta，為相、現相、占相之意。若依上下文文義，則「以相觀察」較為妥當。」

<sup>53</sup> 不=有【宋】【元】【明】。(大正 1, 78d, n.1)

<sup>54</sup> 《佛光阿含藏·長阿含經(二)》，頁 466，註 3：「除覺、觀：此謂修行四禪中第二禪階段。」

<sup>55</sup> (1) 教誡=教戒【宋】\*【元】\*【明】\*～Anusāsana。〔\*12-1～8〕誡=戒【宋】\*【元】\*【明】\*。(大正 1, 78d, n.2)

(2) 《佛光阿含藏·長阿含經(二)》，頁 467，註 5：「『教誡』(anusāsana)(巴)，又作教示。」

<sup>56</sup> 《佛光阿含藏·長阿含經(二)》，頁 467，註 6：「三結：即見結、戒取結、疑結，此三結總稱為見惑。」

<sup>57</sup> 返=反【宋】【元】【明】。〔\*12-9〕誡=戒【宋】\*【元】\*【明】\*。(大正 1, 78d, n.3)

### 12、為他說法，使戒清淨

如來說法復有上者，為他說法，使戒清淨<sup>58</sup>。戒清淨者，有諸沙門、婆羅門<sup>59</sup>所語至誠，無有兩舌，常自敬肅，捐<sup>60</sup>除睡眠，不懷邪諂，口不妄言，不為世人記於吉凶，不自稱說從他所得以示於人，更<sup>61</sup>求他利，坐禪修智，辯才無碍，專念不亂，精勤不怠。此法無上，智慧無餘，神通無餘，諸世間沙門、婆羅門無(78b)有與如來等者，況欲出其上？

### 13、解脫智

如來說法復有上者，謂解脫智<sup>62</sup>。謂解脫智者，世尊由他因緣內自思惟言：『此人是須陀洹，此是斯陀含，此是阿那含，此是阿羅漢。』此法無上，智慧無餘，神通無餘，諸世間沙門、婆羅門無有與如來等者，況欲出其上？

### 14、自識宿命智

如來說法復有上者，謂自識宿命智<sup>63</sup>證<sup>64</sup>。諸沙門、婆羅門種種方便，入定意三昧，隨三昧心，自憶往昔無數世事，一生、二生，乃至百千生，成劫、敗劫，如是無數我於某<sup>65</sup>處生，名字如是，種、姓如是，壽命如是，飲食如是，苦樂如是；從此生彼，從彼生此，若干種相，自憶宿命無數劫事，晝夜常念本所經歷。此是色，此是無色；此是想<sup>66</sup>，此是無<sup>67</sup>想<sup>68</sup>，此是非無想<sup>69</sup>，盡憶盡知。此法無上，智慧無餘，神通無餘，諸世間沙門、婆羅門無與如來等者，況欲出其上？

### 15、天眼智

如來說法復有上者，謂天眼智<sup>70</sup>。天眼智者，諸<sup>71</sup>沙門、婆羅門種種方便，入定意三昧，隨三昧心，觀諸眾生，死者、生者，善色、惡色，善趣、惡趣，若好、若醜，隨其所行，盡見盡知。或有眾生，成就身惡行、口惡行、意惡行，誹謗賢聖，信邪倒見，身壞命終，墮三惡道。或有眾生，身行善、口言善、意念善，不謗賢聖，見正信行，身壞命終，生天人中，以天眼淨，觀諸眾生，如實知見。此法無上，智慧無餘，神通

<sup>58</sup> (1) 戒清淨～Sīla-samācāra。(大正 1, 78d, n.4)

(2) 《佛光阿含藏·長阿含經(二)》，頁 467，註 8：「『戒清淨』，巴利本作 purisa-sīla-samācāra(士夫之戒正行)。」

<sup>59</sup> 有諸沙門婆羅門＝諸有沙門【宋】【元】【明】。(大正 1, 78d, n.5)

<sup>60</sup> 捐：放棄；捨棄。(《漢語大詞典(六)》，p.613)

<sup>61</sup> 更＝不【宋】【元】【明】。(大正 1, 78d, n.6)

<sup>62</sup> 解脫智～vimutti-ñāṇa。(大正 1, 78d, n.7)

<sup>63</sup> 自識宿命智～Pubba-nibāsa-anussati-ñāṇa。(大正 1, 78d, n.8)

<sup>64</sup> 《佛光阿含藏·長阿含經(二)》，頁 468，註 2：「自識宿命智證(pubbe-nivāsānussati-ñāṇa)(巴)，又作宿住隨念智、宿命智、憶宿命智，謂能了知過去宿世因緣的智慧。」

<sup>65</sup> 某＝其【宋】。(大正 1, 78d, n.9)

<sup>66</sup> 《佛光阿含藏·長阿含經(二)》，頁 468，註 4：「『想』，巴利本作 saññin(有想者)。」

<sup>67</sup> 無＝非【宋】【元】【明】。(大正 1, 78d, n.10)

<sup>68</sup> 《佛光阿含藏·長阿含經(二)》，頁 468，註 5：「『無想』，巴利本作 asaññin(無想者)。」

<sup>69</sup> 《佛光阿含藏·長阿含經(二)》，頁 468，註 6：「『非無想』，巴利本作 nevasaññi-nāsaññin(非有想非無想者)。」

<sup>70</sup> 《佛光阿含藏·長阿含經(二)》，頁 468，註 7：「『天眼智』，巴利本作 sattānaṃ cutūpapāta-ñāṇa(有情死生智)。即以天趣之眼，可透徹察知眾生去此世而生彼世之種種狀況。」

<sup>71</sup> 諸＝謂【宋】\*【元】\*【明】\*。(大正 1, 78d, n.11)

無餘，諸世間沙門、婆羅門無與如來等者，況欲出其上？

#### 16、神足智

如來說法復有上者，謂神足證<sup>72</sup>。神足證者，諸沙門、婆羅門以種種方便，入定意三昧，隨三昧心，作無數神力，能變一身為無數身，(78c)以無數身合為一身，石壁無礙，於虛空中結加<sup>73</sup>趺坐<sup>74</sup>。猶如飛鳥，出入於地；猶如在水，履水如地；身出烟火<sup>75</sup>，如火積<sup>76</sup>燃；以手捫<sup>77</sup>日月，立至梵天。若沙門、婆羅門稱是神足者，當報彼言：『有此神足，非為不有。此神足者，卑賤<sup>78</sup>下劣，凡夫所行，非是賢聖之所修習。若比丘於諸世間愛色不染，捨離此已，如所應行，斯乃名為賢聖神足。於無喜色，亦不憎<sup>79</sup>惡，捨離此已，如所應行，斯乃名曰賢聖神足。於諸世間愛色、不愛色<sup>80</sup>，二俱捨已，修平等護，專念不忘，斯乃名曰賢聖神足。猶如世尊精進勇猛，有大智慧，有知、有覺，得第一覺，故名等覺<sup>81</sup>。世尊今亦不樂於欲，不樂卑賤凡夫所習，亦不勞<sup>82</sup>勤<sup>83</sup>受諸苦惱。世尊若欲除弊惡法，有覺、有觀，離生喜、樂，遊於初禪，如是便能除弊惡法，有覺、有觀，離生喜、樂，遊於初禪；二禪、三禪、四禪，亦復如是。精進勇猛，有大智慧，有知、有覺，得第一覺，故名等覺。』

#### (五) 佛復問舍利弗，如何答外道異學之問難

##### 1、佛問

佛告舍利弗：「若有外道異學來問汝言：『過去沙門、婆羅門與沙門瞿曇等不？』汝當云何答？彼復問言：『未來沙門、婆羅門與沙門瞿曇等不？』汝當云何答？彼復問言：『現在沙門、婆羅門與沙門瞿曇等不？』汝當云何答？」

##### 2、舍利弗答：過去、未來有與佛等同的沙門、婆羅門，而現在則無有與佛等同者

時，舍利弗白佛言：「設有是問：『過去沙門、婆羅門與佛等不？』當答言：『有。』設<sup>84</sup>問：『未來沙門、婆羅門[瞿曇>與佛]等不？』當答言：『有。』設問：『現在沙門、婆羅門與佛等不？』當答言：『無。』」

##### 3、釋：答「有」、答「無」之意涵

<sup>72</sup> (1) 神足證~Iddhi。〔\*11-1〕諸=謂【宋】\*【元】\*【明】\*。(大正 1，78d，n.12)

(2) 《佛光阿含藏·長阿含經(二)》，頁 469，註 9：「『神足證』，巴利本作 iddhi-vidhā(神通之種類)。」

<sup>73</sup> 加=跏【明】。(大正 1，78d，n.13)

<sup>74</sup> 《佛光阿含藏·長阿含經(二)》，頁 470，註 1：「結跏趺坐(pallaṅka)(巴)，禪坐時，兩足盤於腿上之坐法。」

<sup>75</sup> 火=燄【宋】【元】【明】。(大正 1，78d，n.14)

<sup>76</sup> 積=[卅/積]【宋】【元】【明】。(大正 1，78d，n.15)

<sup>77</sup> 捫(扌扌)：撫摸。(《漢語大詞典(六)》，p.724)

<sup>78</sup> 賤=陋【宋】【元】【明】。(大正 1，78d，n.16)

<sup>79</sup> 憎=增【宋】【元】【明】。(大正 1，78d，n.17)

<sup>80</sup> 《佛光阿含藏·長阿含經(二)》，頁 470，註 6：「『愛色、不愛色』，巴利本作 appatikkūla, patikkūla(不厭逆、厭逆)。」

<sup>81</sup> (1) 等覺=等正覺【宋】【元】【明】。(大正 1，78d，n.18)

(2) 《佛光阿含藏·長阿含經(二)》，頁 470，註 7：「『等覺』(samāsama sambodhi)(巴)，謂諸佛的覺悟平等一如。」

<sup>82</sup> 勞：憂愁；愁苦。(《漢語大詞典(六)》，p.806)

<sup>83</sup> 勤：憂慮；愁苦。(《漢語大詞典(二)》，p.816)

<sup>84</sup> 設+(有)【宋】【元】【明】。(大正 1，78d，n.19)



佛告舍利弗：「彼外道梵志或復問言：『汝何故或言有？或言無？』汝當云何答？  
舍（79a）利弗言：「我當報彼：『過去三耶三佛與如來等，未來三耶三佛與如來等，我躬從佛聞，欲使現在有三耶三佛與如來等者，無有是處。』世尊！我如所聞，依法順法，作如是答，將無[答>咎]耶？」

佛言：「如是答，依法順法，不違也。所以然者，過去三耶三佛與我等，未來三耶三佛與我等，欲使現在<sup>85</sup>有二佛出世，無有是處。」

**（六）佛告鬱陀夷：當觀世尊有大神力，而少欲知足**

爾時，尊者鬱陀夷<sup>86</sup>在世尊後執扇扇佛，佛告之曰：「鬱陀夷！汝當觀世尊少欲知足，今我有大神力，有大威德，而少欲知足，不樂在欲。鬱陀夷！若餘沙門、婆羅門於此法中能勤苦得一法者，彼便當豎幡，告四遠言：『如來今者少欲知足，今觀如來少欲<sup>87</sup>知足，如來有大神力，有大威德，不用在欲。』」

**（七）鬱陀夷讚世尊之少欲，並向佛說，請舍利弗為諸比丘、比丘尼等說此為妙法**

爾時，尊者鬱陀夷<sup>88</sup>正衣服，偏露右肩，右膝著地，叉手白佛言：『甚奇<sup>89</sup>！世尊！少有<sup>90</sup>少欲知足如世尊者，世尊有大神力，有大威德，不用在欲。若復有餘沙門、婆羅門於此法中能勤苦得一法者，便能豎幡，告四遠<sup>91</sup>言：『世尊今者少欲知足。』

舍利弗當為諸比丘、比丘尼、優婆塞、優婆夷數說此法，彼若於佛、法、僧，於道有疑者，聞說此法，無復疑網<sup>92</sup>。

**（七）佛告舍利弗：當為諸比丘、比丘尼等說此為妙法**

爾時，世尊告舍利弗：「汝當為諸比丘、比丘尼、優婆塞、優婆夷數說此法。所以者何？彼於佛、法、僧，於道有疑者，聞汝所說，當得開解。」

對曰：「唯然，世尊！」

時，舍利弗即便數數為諸比丘、比丘尼、優婆塞、優婆夷說法，以自清淨<sup>93</sup>故，故名清淨經。

**三、流通分**

爾時，舍利弗聞佛所說，歡喜奉行！（79b）

<sup>85</sup> 《佛光阿含藏·長阿含經（二）》，頁 471，註 10：「現在：指現今在此娑婆世界，非指現時十方世界。」

<sup>86</sup> [鬱陀夷] ~ Udāyī. (大正 1, 79d, n.1)

<sup>87</sup> 欲 + (如來)【宋】【元】【明】。(大正 1, 79d, n.2)

<sup>88</sup> 《佛光阿含藏·長阿含經（二）》，頁 472，註 1：「鬱陀夷(Udāyī)(巴)，譯為出現，比丘名。」

<sup>89</sup> [甚奇] - 【宋】【元】【明】。(大正 1, 79d, n.3)

<sup>90</sup> 少有：罕見。(《漢語大詞典（二）》，p.1646)

<sup>91</sup> 四遠：四方。(《漢語大詞典（三）》，p.569)

<sup>92</sup> 《佛光阿含藏·長阿含經（二）》，頁 472，註 4：「『疑網』，巴利本作 kaṅkhā vā vimati vā(疑惑及猶豫)。」

<sup>93</sup> 《佛光阿含藏·長阿含經（二）》，頁 472，註 5：「『清淨』，巴利本作 sampasādanīya(應淨信，或可歡喜)。」